

Scardiceddi di vita

Dopu ‘na gran nuttata d’amuri
miliuna e miliuna di scardiceddi di vita
si la fannu a gara a cu arriva prima.
Di tutti chissi, unu sulu ‘n’arrivà,
senza chi tuppjà, trasi e s’assittà.

Lu sò travagliu era chissu e lu fici,
ora tocca a la fimmina.
Tuttu l’anuri si lu piglia idda ca lu fà,
mentri a lu masculu cci dicitu:
“tu nun fa nenti, simini e ti nni và”.

Lu masculu ca si senti lu
patruni di lu munnu, rispunni:
“si nun fussi pi ‘sta siminata,
vatri, nun fussivu boni
mancu pi fari ‘na frittata”.

La fimmina cu amuri e pacenza
jornu pi jornu si vidi aumintari la panza.
Dopu tantu tempu d’aspittàri,
cu lacrimi e un forti gridu di duluri,
fici chiddu chi cci dissi lu Signuri.

Lu Signuri l’avìa mannatu di lu paradisu
pirchè ‘nsurtata di lu serpenti, si mancià
lu pumu sapennu ca nun si l’aviva manciari,
eccu ca pi mèttiri ‘na criatura a lu munnu
li grida li etta di lu stòmacu ‘nfunnu.

Pi tecchia di pumu, nni cancià la vita
aviamu a viviri filici e surridenti
senza malignità e stari cuntenti.
Pi curpa d’idda e di ddu fissa di Adamu,
patemu la vita e mali campamu.

Chista è la vita chi nni detti lu Signuri,
senza timuri, avemucci fidi e tantu amuri.

2014 Giuseppe Cardella

